

舊唐書校勘記

舊唐書校勘記卷二十一

地理志

河東道

河中府

九年又置都督府 張氏宗泰云元和志廢總管府置都督府復
爲州此不甚詳似兩府並置非 按寰宇記與今本同 開元
八年元和志作元年通典寰宇記俱作九 去東都五百五十
里元和志云東至東都五百八十五里

河西 乾元元年 元和志作三年

臨晉 分置温泉縣 聞本脫縣字

虞鄉 後魏分置虞鄉縣 按魏當作周寰宇記周末置解縣於
虞鄉城東於解縣五十里別置虞鄉卽今理也

永樂 改屬芮州 王氏鳴盛云校本芮改作蒲是

龍門 漢艾氏縣 王氏鳴盛云校本改艾作皮是 按通鑑百

三淵行至龍門注引舊志亦作艾則其誤已久 領龍門萬泉

汾陰四縣張氏宗泰云汾陰下當有芮字

絳州

三年廢總管府其年以廢北滄州之翼城置翼城縣領翼城絳小鄉三縣武德元年改為滄州 寰宇記無置翼城縣四字張氏宗泰云以縣領縣殊非此只當敘廢北滄州以縣來屬三年廢總管府下當作其年以廢北滄州之翼城絳小鄉三縣來屬九年省小鄉入翼城又上已由武德元年敘至三年不應下又接武德元年新志翼城義寧元年以翼城絳置翼城郡并置小鄉縣武德元年曰滄州二年曰北滄州四年州廢縣皆來屬九年

省小鄉入翼城此志置翼城縣以下疑爲翼城縣下注縣爲郡字之誤而志脫去翼城縣其文誤衍於此 按此志洵有脫誤寰宇記白領翼城絳小鄉已下皆與今本同而記於翼城下注云武德元年廢郡置滄州張說是也 又置絳縣寰宇記下有天寶元年改爲絳郡乾元元年復爲絳州又按此州舊領縣天寶領縣及戶口里數俱脫元和志管縣九正平太平萬泉曲沃翼城聞喜絳縣稷山龍門此志聞喜龍門萬泉屬河中無正平太平翼城而有垣與襄陵餘與元和志同元和志垣屬陝州襄陵屬晉州

絳 後魏置南絳州又置絳縣 元和志後魏孝文帝置南絳縣恭帝去南字直爲絳縣張氏宗泰云此志當云後魏置南絳縣後去南爲絳縣

垣 義寧元年置邵原 寰宇記原下有郡字是 又置清廉毫

城四縣新志作二縣

襄陵 後魏擒盛縣 錢氏大昕云本擒昌縣此改昌爲盛蓋史臣避後唐廟諱 改爲襄陵張氏宗泰云此當依元和志改爲襄陵上有大業二年四字

舊志脫去正平太平翼城三縣通典元和志寰宇記新志皆有今錄元和志於後

正平 本漢臨汾縣地屬河東郡開皇三年罷郡改屬絳州十八年改臨汾縣爲正平縣因正平故郡城爲名也

太平 本漢臨汾縣地屬河東郡後魏太武於今縣東北二十七里太平故關城置泰平縣屬平陽郡周改泰平爲太平縣因關名開皇三年罷郡改屬晉州十年改屬絳州

翼城 本漢絳縣地也屬河東郡後魏明帝置北絳縣開皇末
改爲翼城縣屬絳州因縣東古翼城爲名也武德元年於此置
滄州二年廢滄州縣屬絳州

晉州

貞觀六年廢都督 沈本督下有府字 改州爲平陽郡沈本無
州字

洪洞 漢楊縣至隋不改義寧元年改爲洪洞 通鑑百五十七追至
洪洞注引劉昫曰古楊縣也隋義寧元年改曰洪洞 取縣北
嶺名通鑑注引作取縣北洪洞嶺以名縣

神山 四年改爲神山 元和志寰宇記俱作三年

霍邑 隋於此置汾州 張氏宗泰云元和志隋末置霍山郡則
汾州當爲霍山之訛 按張氏說固是然此志不言改霍邑之

由亦有脫誤元和志寰宇記俱云開皇十八年改爲霍邑縣屬
晉州因霍山爲名此志隋下有脫文又按元和志云高祖平霍
邑置霍山郡則亦非隋置也 以靈石等三縣來屬以靈石屬
汾州王氏鳴盛云上句當作以霍邑等三縣來屬

隰州

武德元年改爲隰州領隰川溫泉大[窰]石樓四縣 張氏宗泰云
溫泉乃武德二年分新城置此所領在元年不得有溫泉下隰
川大[窰]之間有蒲縣溫泉或爲蒲字之誤 按寰宇記與今本
同 又置北隰州屬焉寰宇記隰作温是下同 省中昌西德
北隰三州寰宇記三作四是 口十二萬四千四百二十聞本
無此蓋據新志補

蒲 漢縣 張氏宗泰云元和志蒲縣漢蒲子縣地大業二年改

爲蒲縣是以蒲爲縣乃隋非漢此志漢字當作隋 領蒲忤城
常武昌原四縣張氏云武疑當依新志作安下同

溫泉 武德二年 元和志寰宇記作三年 領溫泉新城高堂
三縣寰宇記武德三年於王莊堡置高唐縣則堂當作唐新志
作唐下同

汾州

其年割介休平遙二縣 寰宇記其年作後

西河 漢美稷縣 張氏宗泰云元和志作漢茲氏縣 按寰宇

記云本漢茲氏縣晉改茲氏爲隰城縣今有美稷鄉漢美稷縣

地通鑑百二魏主如美稷注引劉昫曰西河縣漢美稷縣與今

本同

平遙 後魏廟諱改陶爲遙 元和志魏下有以字

慈州

五年改爲南汾州 八年改爲慈州 寰宇記五年下有又字八年上有貞觀二字 以郡近慈烏戍故也寰宇記作以州城內舊有慈烏城爲名元和志作州內有慈烏戍又寰宇記此句下有天寶元年改爲文城郡乾元元年復爲慈州

文城 元魏曰忸城 元和志寰宇記忸作斤是張氏宗泰云下忸城亦當作斤城

呂香 移治所於故平昌府 張氏宗泰云據上文置平昌縣府當作縣

潞州

至東都四百八十七里 通鑑二百八十六 又以地迫懷洛注引舊志作四百七十里

壺關 此別一縣王氏鳴盛云上下當各空一格各本誤連

屯留 武德五年 寰宇記作六年

潞城 古邑隋特置潞城縣 張氏宗泰云特爲時之誤

襄垣 武德元年於縣置韓州 元和志寰宇記皆作開皇十八年 領襄垣黎城涉銅鞮武鄉五縣張氏云下武鄉注云則天加武字此不當有武字 按寰宇記亦作武鄉元和志作鄉縣云晉始爲武鄉縣晉縣元有武字後草創失其舊名

黎城 舊刈陵縣 張氏宗泰云元和志刈作刻 按寰宇記作刈 隋改曰黎城州張氏云城下當依永和志增武德初屬韓 五字

涉 漢隋縣屬韓州 張氏宗泰云隋當在屬字上

銅鞮 省甲水縣 上襄垣注九年省甲水縣此省上當有九年

二字

武鄉

漢垣縣

元和志實字記俱作涅氏通鑑

六十八

上黨武鄉

人石勒注引劉昫曰漢河東之垣縣也

澤州

沁水

元魏置永安縣

元和志云後魏莊帝於此置泰寧郡及

東永安縣

高平

領高平丹川陵武

張氏宗泰云依總序武當作川

沁州

綿上

此別一縣王氏鳴盛云上下當各空一格

遼州

分并州之樂平和順平城石文四縣

聞本文作艾是張氏宗泰

云此志和順下乃是武德三年由并州改屬榆州至六年乃來

屬而遼山下云武德三年屬遼州是和順爲遼山之誤新志作遼山按寰宇記與今本同下和順注云武德初屬并州三年改爲遼州張氏所云蓋據誤本

遼山 漢垣縣地魏改轅陽縣隋改遼山縣屬并州 聞本垣作阻張氏宗泰云據元和志當作後漢陽阿縣地元和志又云晉改爲轅陽屬樂平郡後魏改轅陽爲遼陽隋開皇十六年於轅陽故城置遼山縣屬并州此志魏當作晉轅陽縣下當有魏改遼陽縣五字

和順 漢治縣地 張氏宗泰云治當依元和志作沾

北京太原府

其年置沁陽 寰宇記作汾陽 管并介受遼太榆沁七州寰宇

記沁作汾 十四年廢燕然縣張氏宗泰云陽曲下作十七年

按寰宇記亦作十四年進爲大都督府聞本脫督字

太谷 武德三年置太原州 錢氏大昕云原字衍張氏宗泰云

新志元和志作太州無原州以太谷邠屬并州錢氏大昕云

邠當作却張氏宗泰云邠當作祁按却亦爲祁字形近之誤

文水 神龍九年 元和志寰宇記作元年是

陽曲 省燕然併入 聞本省上有又字

壽陽 八年廢壽州 元和志寰宇記俱作廢受州是

代州

管代欣蔚三州 欣當作忻下代欣同 管代蔚忻四州聞本忻

作州誤寰宇記管代忻蔚朔四州此志忻字誤在蔚下又脫去

朔字沈本忻下有朔字

五臺 漢慮虎縣 元和志虎作虓是

唐林 唐龍元年 元和志龍作隆是

蔚州

隋雁門郡之靈[正]縣 張氏宗泰云新志靈[正]下有上谷郡之飛
狐六字元和志云今溫夷在靈[正]涑易在飛狐皆在州境則此
六字當有 按此志下文云仍置靈[正]飛狐二縣亦似承上之
辭 仍置靈江飛狐二縣寔字記江作[正] 又寄治欣州欣當
作忻

飛狐 移治於今所 寔字記作移還今所

忻州

忻州 張氏宗泰云州下當依新志補下字

秀容 漢汾陽縣地治郭下隋朝自秀容故城移於此因改爲秀

容縣 張氏宗泰云汾陽當依元和志作陽曲 按通鑑百八

屯秀容以拒之注引劉昫曰忻州秀容縣漢汾陽縣地隋自秀容故城移於此因更名亦作汾陽元和志陽曲縣下云開皇十六年改陽直縣爲汾陽縣因漢舊名

定襄 漢陽曲縣地後漢末移陽曲於太原界置乃於陽曲古城置定襄縣復廢武德四年分秀容縣復置 通鑑二百一十七 陽曲人劉昌裔注引舊志前漢陽曲縣唐忻州定襄縣卽其地也後漢移陽曲於太原界乃於陽曲古城置定襄縣而太原之陽曲隋開皇六年改爲陽直十六年又改爲汾陽惡陽曲之名也武德七年復改爲陽曲縣此志似有脫文

嵐州

天贊元年 寰宇記贊作寶

合河 武德四年置臨津縣 元和志寰宇記作七年

嵐谷 神龍二年廢縣置軍 寰宇記同通鑑九百攻拔漢岢嵐

軍注引舊志亦作神龍二年元和志作景龍年廢

憲州

舊領煩監牧 聞本領作樓是 貞觀十五年楊鉢爲監牧使寰

宇記貞觀作貞元鉢作鉢 遂專領監司不係州司寰宇記無

領字下司字作縣 龍紀元年特置縣州於樓煩監仍置樓縣

郡城張氏宗泰云樓下當有煩字

石州

石州 張氏宗泰云州下當依新志補下字 貞觀二年廢都督

府張氏云元和志高齊文宣帝於此置昌化縣後周復爲離石

此志周當作齊隋當作周郡爲縣字之誤

臨泉 隋太和縣 聞本隋上衍德字 改太初縣爲臨泉縣元

和志初作和是聞本改下誤衍爲字 縣屬和州張氏宗泰云

和當作石

朔州

朔州 張氏宗泰云州下當依新志補下字 復改爲朔州聞本

無改字 按寰宇記亦無改字

善陽 元和志寰宇記俱作鄠陽新志亦作善陽 漢定襄地張

氏宗泰云定襄當依元和志作馬邑 按通鑑百八十八善陽尉遲

敬德注引舊志作定襄 隋爲善陽縣通鑑注引作隋大業初

置善陽縣

馬邑 於天同軍城置 元和志作大同是

雲州

雲州 張氏宗泰云州下當依新志補下字 隋馬邑郡之雲內

縣界恒安鎮也

通鑑

百九十二

韓州刺史封同人注引舊志無界

字自朔州北定襄城寰宇記北下有界字開元二十年元

和志寰宇記作十八年

雲中

武德六年置恒州

寰宇記置下有北字是

開元二十

年元和志寰宇記作十八年

單于都護府

金河

二字當提行

與府置同寰宇記作與府同置

河北道

懷州

故濁鹿城

陟州

張氏宗泰云

當作立又置太行忠義紫

陵穀軹溫五縣聞本軹作只蓋佚其半或據新志謂只當作且非也又按下文省懷軹二縣而懷縣不見置年疑穀爲懷之誤

又省穀之太行忠義紫陵四縣聞本之作只只亦軹之誤然下文省懷軹二縣在貞觀元年此處亦不當作軹寰宇記作之但穀非州名上文太行忠義等縣係懷州所領此穀字疑亦懷字之誤四當作三 懷州領河內武德軹濟源五縣寰宇記同張氏云五當爲四 按軹上疑脫懷字寰宇記武陟縣有懷縣故城此志下文貞觀元年省懷軹二縣武陟注亦云漢懷縣地此處軹上當有懷字正合五縣之數

武陟 故城在今縣西 寰宇記云故城在西十一里

修武 李原德以縣東北濁鹿城歸順 張氏宗泰云原當依新

志作厚 按通鑑百八十六拜陟州刺史注引新舊志皆云李原德

是舊志本作厚濁鹿下通鑑注引有郡字 改爲武陟隋廢陟

州張氏云依文義隋當作縣 仍移縣治於隋故修武城按

五字寰宇記作於廢西修武故城

獲嘉 領獲嘉武德武陟修武新鄉共城五縣 張氏宗泰云新志無武德是 按新志此句下有並置博望縣此志衛州總序云又廢殷州以共城新鄉博望三縣來屬則是殷州本領博望縣武德本屬北義州不屬殷州武德當作博望五當作六下文新鄉共城屬衛州新鄉上當有博望二字

衛州

仍舊領衛清淇湯陰三縣 寰宇記湯陰作蕩源是 六年以湯陰屬相州沈本同寰宇記亦作蕩源 州移治於汲縣寰宇記移字在州字上 又以廢州之黎陽縣來屬廢下寰宇記有黎字是

汲 貞觀六年 寰宇記作元年是

新鄉 武德初屬義州州廢來屬殷州州廢屬衛州 張氏宗泰云來字衍殷州下仍當有殷字 按元和志寰宇記並云武德四年屬殷州貞觀元年廢殷州屬衛州通鑑百八十八世充使黑闥守新鄉注引舊志時屬義州後屬殷州

衛 隋大業二年 元和志作三年

共城 隋因之 元和志作隋加城字

黎陽 管殷衛洹澶四州 張氏宗泰云洹當作相 領臨河內

黃湯陰觀城頓已繁陽澶水八縣領下當有黎陽二字 又以

湯陰屬相州貞觀元年省繁陽張氏宗泰云湯陰亦當作蕩源貞觀元年始改蕩源作湯陰繁陽當作澶州

相州

相州 張氏宗泰云依新志州下當有望字 領安陽鄴林慮零

泉相臨障沈本障作漳是張氏云後周置靈泉縣屬魏郡見隋志零當作靈下同 按寰宇記亦作零泉 割衛州之湯源來屬 按湯當作蕩下同 管慈洺黎衛邢六州按只五州慈上當有相字 以廢慈州之安陽成安二縣來屬寰宇記安陽作澄陽

安陽

漢魏郡城在縣西北七里

通鑑

二百八十六

遣客將安陽王

峻注引舊志漢上有若字在上有則字恐是以意增加

鄴

以安陽城爲相州理所仍爲鄴縣煬帝初於鄴故都大慈寺

置鄴縣

通鑑

百七十四

徙相州於安陽注引劉昫曰楊堅令韋寬

討迴平之云云仍爲鄴縣隋又改爲安陽縣漢魏郡城在縣西

北七里煬帝於鄴故都大慈寺置鄴縣 按自仍爲鄴郡至在

縣西北七里今本在安陽縣下通鑑

二百八十四

至鄴縣注引與今

本同

百八十九

名振夜翼鄴引舊志煬帝初於鄴故都初作復鄴下

亦有故字

湯陰

漢蕩陰縣也併入安陽

寰宇記隋開皇十年廢入安陽

縣併上當有隋字

貞觀元年改爲湯陰元和志寰宇記俱作

蕩陰

洹水

漢長樂縣地魏郡國

張氏宗泰云本漢內黃縣地晉於

此置長樂縣屬魏郡此志漢字當作隋魏上脫屬字郡下行國

字

按張氏說本元和志

魏州

魏州雄

張氏宗泰云新志元和志俱有大都督府

領復爲貴

鄉昌樂寰宇記無復爲二字又割冠氏館陶置毛州魏州置

總管府張氏宗泰云元和志館陶下云置屯州以近屯河爲名

毛當作屯下同魏州上元和志有五年二字 按元和志館陶下所云乃周大象二年事此是武德四年事恐未可以彼證此 寰宇記序郡俱作毛州其大名縣下云屯氏河俗名毛河是武德置毛州亦以此河爲名也 管黎澶莘毛五州寰宇記管下有魏字 領貴鄉昌樂繁水漳陰元城六縣寰宇記元城下有魏字 貞觀元年罷都督府張氏云元和志貞觀上有七年改爲都督府 天寶領縣十張氏宗泰云按下所列乃九縣十當爲九之誤 按通典所列十縣有頓_巨此志頓_巨屬澶州此處自當作九

館陶 武德五年置毛州 新志同總序置毛州承上武德四年冠氏下亦作四年 割魏州之館陶冠氏堂邑張氏宗泰云堂邑上新志有博州之三字方與上下一例

莘

漢陽平縣地

通鑑

九十

屯於碭礮津注引劉昫曰莘縣漢

陽平縣地碭礮城卽漢東郡在平縣故城其西南卽河津謂之碭礮津後魏置濟州於碭礮城各本自碭礮城以下皆脫隋置新州張氏宗泰云元和志大業二年改爲莘縣新州當爲莘縣之誤武德五年總序作四年

昌樂

晉置屬陽平郡

張氏宗泰云晉志陽平郡統縣七其六

曰陽平而無昌樂是昌樂非晉置此志晉置下當有陽平縣三字後魏置昌州按元和志云後魏孝文帝於漢舊昌樂城置昌樂郡及昌樂縣

澶州

分魏州之頓正觀城置澶州

寰宇記觀城下有一縣於今理五

字置澶州下有取古澶淵爲名又特置澶水縣寰宇記特作

分

頓 記原本作隋屬魏郡今萬氏所校之本依元和志改作隋廢郡 **頓** 今屬魏郡 張氏宗泰云據實宇記今當作隋 按實宇

屬魏州張氏既云今以屬魏郡不當列澶州故改今爲隋然按魏州下所領十縣本有頓 **頓** 大歷七年始於頓 **頓** 置澶州以前皆屬魏郡此殆爲大歷以前史文故曰今屬魏郡劉昫承用其文而未及修改歟 今縣地北陰安城是也按此句已見總序通鑑 九十 又追斬靳豚於陰安注引劉昫曰陰安城在澶州頓

頓 縣北

博州

領聊城武水堂邑茌平仍置莘亭靈泉清平博平凡九縣 聞木靈下無泉字實宇記亦無泉字張氏宗泰云靈泉後周置屬魏

郡見隋志武德四年省入安陽此不當有泉字下同 按所列
止八縣寰宇記博平下有高唐二字是

博平 分置靈縣 張氏宗泰云新志靈下有泉字誤
堂邑 漢縣後魏廢隋分清陽縣復置 元和志本漢清縣發干
二縣之地隋開皇六年於此置邑縣

貝州

貝州 張氏宗泰云州下當依新志補望字

清陽 開元二十三年 寰宇記作二十二年

清河 漢縣 元和志本漢信成縣地屬清河郡後漢省信成縣
置清河縣 後漢桓帝改爲甘陵張氏宗泰云桓當作安

宗城 以經城宗城貝州 宗城下當有屬字

臨清 後魏改爲臨清 張氏宗泰云改字誤當作分置其時尚

有清淵

唐諱淵
爲泉

非改清淵爲臨清也

按錢氏大昕云或太和

之世分清淵置臨清後來省清淵入臨清耳

經城

漢縣

張氏宗泰云前漢志鉅鹿郡堂陽下云嘗分爲經

縣後魏太和十年始置經城縣廢於後齊隋復置此漢字當作隋若爲漢則下當有沿革也

漳南

漢東陽縣後魏省隋分棗強清平二縣地復置於古東陽

城仍改爲漳南縣

通鑑

百八十八

漳南人劉黑闥注引舊志漢東

陽縣地後魏省東陽縣隋開皇六年分棗強清平二縣地復置東陽縣於東陽古城十八年改爲漳南 按寰宇記開皇六年分棗強縣無清平

歷亭

漢東陽地隋分鄆縣置歷亭縣

張氏宗泰云上云東陽

下云鄆縣中有脫文漢東陽地下當依元和志補後漢省東陽

縣其地屬郟 按通鑑百八十九劉黑闥陷歷亭注引舊志歷亭漢東陽地隋開皇十六年分郟縣置

洛州

領永平洛水 聞本平作年是管洛衛巖相磁邢趙八州寰宇記八作七是舊領縣七天寶領縣十張氏宗泰云七當作十十當作八

永年 本漢曲梁縣通鑑百八十九洛州嚴備注引舊志縣下有地字屬廣平郡改廣平爲永年按此有脫誤元和志郡作國下有高齊文宣帝省曲梁置廣年縣仁壽元年改廣年爲永年

臨洛 漢易陽縣隋改爲臨洛通鑑百五易陽烏桓劉大注引劉昫曰古易陽縣也隋開皇六年更名

曲周 省臨水縣入張氏宗泰云依前總序當作清漳

磁州

磁州 張氏宗泰云依新志州下當補上字

領成安邯鄲三縣 寰宇記成安上有滏陽是

滏陽 漢武安縣地隋置滏陽縣州所治 通鑑二百八十六滏陽賊

帥梁暉注引舊唐書地理志滏陽漢武安縣地隋置滏陽縣唐

屬磁州爲州治所

邯鄲 漢縣屬廣平郡 據元和志屬上當有魏字元和志謂魏

以爲縣則誤 永泰初復置磁州來屬 寰宇記來上有縣還

二字是

昭義 故臨縣城 聞本臨下有水字元和志魏黃初三年於今

滏陽縣置臨水縣此臨下當有水字

邢州

龍岡 漢襄國郡 張氏宗泰云郡當作縣周武帝始改爲襄國

郡

南和 後周置南和郡隋廢州爲縣 張氏宗泰云州當作郡

按寰宇記云尋廢郡而爲縣是廢郡爲縣乃周時張氏蓋據隋志開皇初郡廢之文

鉅鹿 隋於漢南蠻故城置鉅鹿縣 元和志本漢南樂寰宇記作樂是

縣地開皇六年於此置鉅鹿縣則蠻當作緜 置起州并白起縣按并下當有立字元和志又立白起縣

平鄉 隋改平鄉縣 張氏宗泰云當依元和志作後魏自平鄉故城移平鄉於此理之

任 漢南蠻地晉置任縣 通鑑七十以問鉅鹿張珩注唐邢州

任縣漢鉅鹿南緜縣也晉置任縣蠻亦當作緜

堯山 漢柏仁縣 仁當作人下同通鑑九十 奔柏人注引劉昫

曰唐邢州堯山縣古之柏人城 貞觀初屬邢州寰宇記同總

序作武德五年

內巳 隋改爲內巳縣屬趙州 元和志云開皇三年屬趙州大

業二年改屬邢州是隋時已屬趙州張氏宗泰據新志屬趙州

上補武德四年 按此志邢州總序亦有武德四年割屬趙州

之語張說是

趙州

趙州 張氏宗泰云依新志州下當有望字 後魏於昭慶縣置

殷州元和志後魏明帝二年於廣阿城置殷州 樂城大樂寰

宇記作大陸 鼓城十二縣寰宇記作十一縣 改爲隋郡寰

宇記隋作趙 天寶戶六萬張氏宗泰云天寶下當有領縣八

三字

昭慶 隋改廣阿爲大陸 寰宇記隋仁壽元年改廣阿爲象城

大業末改爲大陸縣

柏鄉 隋於今治彭水之陽復置 元和志隋開皇十六年於漢

鄆邑縣城南十八里置柏鄉縣遙取漢柏鄉之名

高邑 晉代不改 按晉之後亦未改晉疑歷字之誤

元氏 所治故城在今縣西 通鑑九十獲沖於元氏注引劉昫

曰所治故城在今趙州元氏縣南

鎮州

鎮州 張氏宗泰云新志常山郡大都督府 治元氏通鑑二百十七

使守常山注引劉昫曰舊治元氏 北望安樂壘美之元和志

北望安樂壘嘉其美名

橐城 領橐城桓肆 桓當作柏新志作柏下同 領橐城鼓城
、毋極四縣張氏宗泰云新志以趙州之鼓城定州之毋極冀州
之鹿城隸之橐城下當有鹿城

九門 省義信新市二縣 聞本作信義是

靈壽 義置元年置燕州 通鑑辨誤卷九引舊書地理志義置

元年置燕州於靈壽縣是年廢州復爲靈壽縣屬恒州 武德
四年州廢縣屬并州七年州廢屬恒州元和志寰宇記同張氏
宗泰云按并州乃太原終唐之世未廢元和志并陘縣隋開皇
十六年於縣置并州此并字當作并又元和志大業二年廢并
州武德元年重立并州貞觀十七年廢縣又屬恒州此志七年
上當有貞觀十三字 按張說是隋志亦作并州

行唐 漢南行唐縣屬常山郡 張氏宗泰云常山郡下當依元

和志補後魏去南字

井陘 武德元年改爲井州 井亦當作井下同說見上新志作

井

獲鹿 隋置鹿泉縣屬井州 元和志并作井 至德元年改爲

獲鹿元和志至德作貞觀寰宇記元年作二年俱誤

平山 隋改爲房山縣 元和志寰宇記俱云開皇十六年置房

山縣

鼓城 州廢屬定州 元和志寰宇記州上俱有貞觀元年四字

欒城 漢開縣 錢氏大昕云開當作關 按寰宇記開作關是

下同 屬趙州張氏宗泰云寰宇記屬字上有屬趙郡隋屬欒

州又改九字 按通鑑二百 欒城蘇味道注引劉昫說與今本

同

冀州

管冀貝深宮四州 張氏宗泰云寰宇記宮作宗是或據舊唐書
改宗作宮非也宗州置廢在貝州宗城下 按張說是下南宮
注亦有屬宗州之語

信都 後漢改爲樂城國 張氏宗泰云城當作成

棗強 隋舊也 張氏宗泰云元和志隋開皇三年屬冀州 按
此志也字衍舊下當有屬冀州三字

衡水 隋開皇十七年 元和志寰宇記俱作十六年

阜城 故城在今縣東二十里 寰宇記十下又有二字

蓀 漢縣 寰宇記作本漢修縣又云開皇五年改修縣爲蓀縣
貞觀元年分置觀津縣尋省 按景州總序云武德四年於

縣置觀州領弓高蓀阜城東光安陵胡蘇觀津七縣貞觀元年

省觀津縣

深州

深州 張氏宗泰云依新志州下當有上字 天寶縣四縣上當有領字張氏宗泰云下所列有八縣四當作八 按通典天寶止四縣下文在京師上當有今領縣八四字

陸澤 先天二年分饒陽鹿城界 元和志作元年 於古鄆城張氏宗泰云鄆當作鄆下同漢志作鄆 按錢氏大昕云鄆當作鄆

東鹿 周齊爲安定縣 通鑑二百十九東鹿張興注引劉昫說作齊周 唐至德六年改爲東鹿通鑑注引作明皇以安祿山反改常山之鹿泉曰獲鹿饒陽之鹿城曰東鹿以厭之 按鎮州獲鹿下作至德元年

武強

晉改爲武強

通鑑

百六十七

武強蘇強蘇瓊注引劉昫曰晉

改曰武強屬安平國後魏屬廣宗郡又置武邑郡

博野

置蠡吾州領博野清苑割定州之義豐三縣

按此文疑

有譌新志作以博野清苑定州之義豐置蠡州寰宇記蠡下亦無吾字

樂壽

漢樂城縣

寰宇記城作成是

城在今縣東南十六里

寰宇記城上有故字

後魏移縣東北近古樂壽亭

通鑑百八十五

建德定都樂壽注引劉昫說同按寰宇記云後魏自故郡移

河間郡及縣西南一里樂壽亭故城

滄州

南皮

武德四年屬景州貞觀元年改屬滄州

寰宇記武德元

年置景州貞觀十七年州廢來屬滄州

饒安 漢平童縣 錢氏大昕云平童蓋干童之譌 按元和志
始皇遣徐福將童男女千人入海求蓬萊置此城以居之 移
治故平童城寰宇記平亦作干

無棣 改爲無棣 按改上當有隋字寰宇記隋開皇六年於今
所置無棣縣取縣南無極溝爲名

乾符 乾符年 寰宇記清池縣下作乾符元年

景州

管東光安陵三縣 沈本東光上有弓高按寰宇記無弓高二作
二 天祐五年寰宇記同沈本作三年

安陵 隋宣府鎮 此疑有脫誤元和志云本漢修縣地晉立安
陵縣屬渤海郡高齊省開皇六年重置屬冀州張氏宗泰云宣
府鎮三字俟考

德州

德州 張氏宗泰云州下當依新志補上字 天寶領縣七張氏云七當作五

平原 漢舊 寰宇記云本漢舊縣 在今縣西南二十里寰宇記作西北

長河 隋於舊廣川縣東八十里置新縣 元和志在開皇八年尋改爲長河縣元和志在仁壽元年

將陵 隋分安德於將陵故城置此縣 元和志隋開皇十六年於此置將陵縣取安德縣界故城爲名

平昌 故城在今縣東三十里 寰宇記東字作西南
定州

定州 漢縣屬平原郡 錢氏大昕云漢無定州縣州治安喜亦

非平原郡蓋轉寫之訛 按下文安喜注漢盧奴縣漢下當有
盧奴二字平原當作中山 恒陽唐望都等十縣寰宇記唐上
有行字 領定恒并滿廉五州張氏宗泰云并當作并滿當作
蒲下俱同 邢欒德魏寰宇記邢上有恒字是 燕檀平營寰
宇記檀作澶張氏云合檀澶方滿三十二州之數 以鼓城隸
鼓州寰宇記下鼓字作恒是 曲陽隸洹州聞本洹作沔亦誤
寰宇記作泚是下同 十四年廢寰宇記廢下有府字 舊領
縣十一按下文天寶下脫領縣新志領縣十新樂下有無極深
澤而無安險舊志安險亦不當有說見下文無極深澤別屬
州則天寶下當有領縣九三字

安喜

漢盧奴縣

通鑑

二百八

娶副留守安喜馮濛女注引劉

昫曰漢中山之盧奴縣也

慕容垂改爲不遑道鑑注引同按

連字誤當作違元和志實字記俱作弗違盧奴之名俗謂不流
曰奴慕容之改弗違亦取奴意

義豐 隋自郟城移於鄭德堡 實字記郟作鄆陵聞本鄭誤鄆
望都 初置安險故城 元和志安喜故城在今縣東三十里本
漢安險縣

安險 漢縣屬中山國 按漢安險縣後漢改爲安喜縣唐有安
喜縣無安險縣此八字疑校者之辭誤衍

曲陽 大歷三年屬洹州 沈本洹作泚

祁州

無極 萬歲通天二年 元和志實字記俱作元年

深澤 至隋不改屬定州 張氏宗泰云廢於後齊隋復置不字

疑衍 隋徙置滹沱北通鑑百八十六據深澤注引劉昫說沱下有

河字

易州

領易涑水永樂遂城道五縣 沈本道作迺是寰宇記誤作迺下

同 置北義州寰宇記義誤易下同

易 漢故安縣 通鑑九十會於固安注引劉昫曰易縣古故安

縣也

容城 改爲道縣 道當作迺下同元和志隋開皇元年改置迺

縣此志改上當有隋字

遂城 屬中山國 寰宇記漢屬涿郡後漢屬中山國

涑水 漢道縣 元和志本漢迺縣子由隋屬上谷郡按元和

志隋開皇元年置范陽縣十年改爲永陽十八年改涑水此疑

有脫誤

蒲城 元和志寰宇記俱作滿城下同

五迴 置城於五迴山下 元和志下作東麓 遷於古公城元

和志作五公城寰宇記作古五公城遷上有刺史田琬四字

瀛州

貞觀元年 寰宇記作二年 省武恒入河間寰宇記恒作垣是

割蒲州之高陽蒲寰宇記蒲作鄭 舊領縣十按此下具列

縣名各州宜皆然今多不載蓋佚脫也

高陽 漢縣屬涿郡隋舊 按既云漢縣卽不應云隋舊二字疑

有脫誤 於縣置蒲州寰宇記蒲作滿 領高陽博野清苑三

縣屬蠡州按此有脫誤新志屬蠡州上有五年以博野清苑七

字

平舒 後去東字 寰宇記大城縣下云北齊爲平舒縣

東城 寰宇記作束城是

莫州

天寶元年復爲莫州 寰宇記作天寶元年改爲文安郡乾元元年復爲莫州是王氏鳴盛不知此有脫文謂旣云開元十三年改鄭爲莫此復爲莫之莫當作鄭非也至開元未改之前自當作鄭下文景雲二年割屬莫州作志者從後所改者言之亦不必定改作鄭也

文安 故城在今縣東北 寰宇記東北下有三十里

唐興 長安四年改屬州 王氏鳴盛云州上脫鄭字 改屬唐興縣寰宇記屬作爲是

幽州

固安雄奴 寰宇記雄作雍是 固安縣屬北義州寰宇記固安

上有以字義亦誤易下同 幽易景瀛沈本幽上有督字 北燕等十七州按上所列止十六州 置薊州寰宇記置上有三縣 天寶九年改范陽郡寰宇記九作元改下有爲字是 舊領縣十張氏宗泰云下所列止九縣當是脫安次也 天寶縣十縣上當有領字通典作領縣十一是方與舊領縣數異也

廣平

通典無廣平而有廣靈

潞

後漢縣

寰宇記本漢舊縣也後字疑當作本

武清

後漢雍奴縣也

寰宇記後作本

昌平

屬廣陽國

寰宇記國作郡誤

涿州

涿州

張氏宗泰云州下當依新志補上字

新昌

復析固安縣置

寰宇記無復字

歸義 分置涿州又來屬 寰宇記大歷中改隸涿州

固安 漢縣屬涿郡 張氏宗泰云漢當作隋 按下文漢方城

縣地自不得云漢縣 移治章信城寰宇記城作堡

新城 大歷四年析置 寰宇記後唐天成四年析范陽縣置張氏宗泰云豈大歷置後復廢而天成復置耶俟考

薊州

薊州 張氏宗泰云州下當依新志補下字 分幽州之三縣寰宇記析幽州之漁陽三河玉田三縣

漁陽 古北平郡所治也 通鑑九十一匹磾至右北平注引劉昫

曰古右北平治所 二年改屬幽州寰宇記作三年 貞觀元年屬幽州寰宇記元年下作州廢還屬幽州

玉田 十一年又屬薊州 寰宇記十一年又還屬幽州十八年

隸薊州

檀州

後漢奚縣 錢氏大昕曰當云漢僂奚縣張氏宗泰云據後漢志

奚上當有僂字 按寰宇記密雲縣下云本漢庠

孟康曰音題字或作階

奚縣

燕樂 移治新城 聞本新下有與字按與爲興之誤寰宇記作

興

媯州

取媯水爲名 寰宇記取下有其中二字 改名媯州郡寰宇記

州作川是 口一萬一千五百八十四聞本下有元和縣二四

字按元和二字衍縣二當在上天寶下縣上仍當有領字

懷戎 北齊改爲懷戎 通鑑百八十六懷戎沙門注引劉昫說北齊

改爲懷戎縣隋屬幽州涿郡

媯州 寰宇記作媯川是此別一縣王氏鳴盛疑當去媯州二字

非也

平州

隋爲北平郡 寰宇記北上有右字 改爲盧龍縣寰宇記仍改

肥如爲盧龍縣 更置撫寧縣寰宇記置作治誤

盧龍 後漢盧龍縣 寰宇記後作本

石城 置臨渝 寰宇記渝下有縣字

馬城 分盧龍二縣置 寰宇記無二字

順州

順州 寰宇記作思順州 改爲順漢義郡通典順州天寶初置

尋又改爲順義歸化二郡寰宇記改爲順漢

原云

義郡新志無

漢字

歸順州

彊汗州部落 寰宇記汗作汗是

燕州

所領戶出粟皆靺鞨別種 張氏宗泰云此疑有誤出粟當作粟末在皆字下謂所領戶皆粟末靺鞨別種也寰宇記引隋北蕃風俗記云初開皇中粟末靺鞨內附

慎州

領凍沫靺鞨 按凍沫卽粟末也 神龍初復舊隸幽州寰宇記

無舊字

蓬龍 州所也 聞本所下有治字寰宇記同

夷賓州

夷賓州 寰宇記夷作巨 處靺鞨愁思嶺部落寰宇記無嶺字

萬歲通天二年寰宇記作元年

黎州

還改隸幽州都督 寰宇記幽作營

沃州

濱海沃州 本寄治營州城內 寰宇記沃州二字屬下讀此志
沃州上當空一格下不當空王氏鳴盛謂濱海下應空一格今
誤連沃州下又誤空一格是也張氏宗泰謂二字衍文非

昌州

龍山 爲治州 聞本作爲州治是寰宇記同

歸義州

歸義 在良鄉縣之古廣陽城 歸義當提行

瑞州

處突厥烏突汗達于部落 于當作干

來逮 寰宇記作來遠是

信州

處契丹失活部落 張氏宗泰云新志失活上有乞字 按張氏
考正地理志僅至三十一州止故以下未引張氏說

安東都護府

天寶二年 寰宇記作元年

一切驅之寇寇 上寇字聞本作爲字是寰宇記作爲 今記天
寶承平之地理焉寰宇記地理上有故跡二字焉作云

山南西道

興元府

興元府 新志府下有赤字 管洪梁洋集興四州沈本作五州
寰宇記無洪字 領南鄭褒中城固西四縣寰宇記褒中下有
白雲 依督梁洋集壁四州聞沈本依下有舊字是 督梁洋
集壁四州聞本誤脫七字 二千七百八里聞沈本七作八
褒城 義寧二年改爲褒中 寰宇記隋開皇元年以避廟諱改
爲褒內仁壽元年改爲褒城義寧二年又改褒中

鳳州

梁泉 後魏置梁泉縣 寰宇記此元爲成三國時司馬懿禦蜀
寇廢成改置梁泉縣以界內梁山泉爲名元和志後魏太和元
年於此置梁泉縣取縣西梁泉爲名此志云後魏與元和志同
王氏鳴盛謂梁泉當提行是也

兩當 晉改兩當取水名 元和志後魏置固道郡領兩當廣鄉

二縣因縣界兩當水爲名寘字記同

河池 後漢縣 元和志後作本

黃花 武德四年分梁泉縣置 寘字記作元年

興州

順政 王氏鳴盛云當提行

長舉 隋爲長舉縣本治槃頭城 元和志後魏於此分置長舉

縣屬槃頭郡

鳴水 舊治落蕃水南 寘字記後魏宣帝於此置落蕃郡因落

叢山爲名又置鳴水縣因谷爲名元和志魏作漢誤宣下有武

字是

利州

督利龍隆始沙南平靜八州 寘字記南下有安南二字謂南安

州南平州也各本脫

綿谷 屬爲漢壽縣 聞沈本屬作蜀是 南齊於壽縣置西益

州 按壽縣上下當有脫誤寰宇記齊明帝永太元年分晉壽

郡之興安縣置東晉壽郡後魏立西益州

景谷 隋改爲景谷 通鑑百六十四楊乾連進拔平興注引劉昫曰

隋爲景谷縣

通州

二年屬新羅思來二縣 寰宇記屬作置 以東鄉屬南并州寰

宇記并作石 通川領通州沈本川州二字上下互易是 以

廢并州之宣漢寰宇記井上有南字 在京師西南二千三百

里通鑑二百二貶晏通州刺史注引舊志三作五

永穆 武德元年屬巴川 按川當作州 蜀割巴州之歸仁

按蜀疑作仍東鄉

東鄉 又分置下滿昌樂二縣 寰宇記滿作蒲下同

宜漢 隋舊武德元年置南并州 新志并作并疑誤 又置東

開縣寰宇記又置南并州及東關縣新志亦作關

新寧 貞觀八年移治淙城 按淙當作賓寰宇記貞觀八年自

今縣西北十里移魏所置新寧縣於廢開州城其城俗謂之賓

城卽今縣理是也

洋州

割梁州三縣置洋州 三縣卽寰宇記所云領西鄉興勢黃金三

縣是也 又置洋源縣寰宇記下有開元十八年又置真符縣

西鄉 蜀立西鄉縣後魏於此置洋州 元和志蜀先主置南鄉

晉武帝改爲西鄉縣武德元年置洋州

黃金 貞觀三年移於今置 寰宇記作二年

眞符 開元八年 聞本八上有十字是元和志作十八年 天

寶七年元和志寰宇記作八年

合州

石鏡 宋改名石宕渠 按石字疑衍寰宇記云宋改爲宕渠縣

宋置東渠郡及石鏡縣又改郡爲合州按東下當有宕字郡下仍有脫誤寰宇記序州宋於此置東宕渠郡後魏改東宕渠郡爲墊江郡改縣爲石鏡縣仍於郡置合州是石鏡及合州均非宋置也

新明 武德二年分鏡置 王氏鳴盛云鏡上當有石字 按寰

宇記武德二年分石鏡之東北界於溪水鐵索洲上爲新明縣

漢初 改漢初 聞本改上有隋字是

赤水 隋分石鏡置 聞本作隋分置石鏡縣誤

巴川 開元二十三年 寰宇記作二十二年

銅梁 長安三年 寰宇記作四年 開元三年移治於武金坑

寰宇記開元三年移就涪江南岸權立十六年遂東南移於東
流溪壩上卽今理也

集州

仍割巴州之符陽長地白石 寰宇記地作池 天寶領縣二

按一當作三

巴州

奇章安固代虞 寰宇記奇作其代作伏 按聞本作伏虞 符

陽長池白石屬集州按長池下寰宇記有十四縣其年以符陽

長池十字

化城 後漢昌縣 王氏鳴盛云漢下當重一漢字 按寰宇記

後漢分置漢昌縣王氏說是

清化 隋屬巴州 按隋下當有縣字寰宇記開皇七年改伏強

爲清化是清化實隋縣也

歸仁 梁置平州 寰宇記作平川是

奇章 寰宇記作其章下同 按隋志新志俱作其章

蓬州

良山 梁置伏虞郡安固縣 寰宇記序州安固上有又置二字

儀隴 梁置武德二年屬萬州 寰宇記作三年記又云梁置儀

隴縣大歷初以廟諱改爲儀隴 舊領金城山領當作治寰宇

記縣城元在山頂

宕渠 舊治長樂山 寰宇記作長樂山恐誤

大竹 二字上下當各空一格

壁州

壁州下 貞觀元年廢萬州 寰宇記脫萬字 天寶縣四間本縣下有領字是

諾水 武德八年分巴州始置之東境置壁州及諾水縣今州所治 寰宇記武德八年再置縣併州於此至天寶元年以邑枕巴江故當作改爲巴江縣此志脫天寶改名事新志作通江

廣納 武德三年 寰宇記作二年

白石 武德初屬巴州又改屬集州八年還壁州 寰宇記武德七年自魏所置縣移於今縣東南一里屬渠州八年改爲壁州

巴東 天寶元年 寰宇記作十年

商州

貞觀十五年州廢 寰宇記作十年 按下土津縣注亦作十年

此五字衍

豐陽 以川爲名

通鑑九十

置荊州於豐陽川注引舊志因豐

陽川爲名

洛南 隋改拒陽爲洛南舊治拒陽川顯慶三年移治清州 寰

宇記開皇二年以拒陽爲洛南縣取洛水之南爲名大業十一年移於今理俗謂之清池川此志清下脫池字州當作川

金州

領洵陽石泉安康等縣 寰宇記領西城金川洵陽石泉安康五

縣此志洵陽上脫西城金川四字等當作五 其年割洵陽

川二縣置洵州領三縣 按此有脫誤寰宇記作其年割洵陽

置洵州又分置洵陽

當作洵城

驢川三縣洵州凡領三縣又置平利

縣屬金州 管金井直洵洋南豐均漸遷房重順十二州 寰
字記井作并漸作忻遷作通 十年廢洵州寰字記作七年
八年省洵陽縣 按下洵陽注作省洵城此陽字當作城

石泉 永真元年 按真當作貞聞本脫元字

漢陰 晉武改爲安康置安康郡隋改爲縣 按隋志舊曰靄都
大業初改曰安康此志隋改爲縣承上置安康郡之文然安康
自晉武時已改隋志所云改者承寧都言之此志似有脫誤

平利 後周於平利川置吉陽縣隋改爲安吉 寰字記晉於今
縣平利川置上廉縣取上廉水爲名又改爲吉陽縣又云後魏
改爲吉安縣隋志梁初曰上廉後曰吉陽西魏改曰吉安後周
以西城入焉舊有金城吉安二郡開皇初並廢十八年改縣爲
吉安此志安吉當作吉安

開州

通川郡之萬縣

寰宇記作萬安通鑑

百八十八

開州蠻冉肇則注引

舊志作萬世

按下萬歲縣注云後周之萬縣隋加世字則作

萬世是

盛山

周改漢豐爲永寧隋改永寧爲盛山以山爲名

寰宇記

無以山爲名而有武德元年移於今理廣德元年又改爲開江

縣通鑑

二百七十七

夔州奏復取開州注引舊唐書地理志梁置永

豐縣西魏改曰永寧隋開皇末改曰盛山縣武德初置開州

萬歲

後周之萬縣隋加世字貞觀二十三年改萬世爲萬歲縣

按新志亦云貞觀二十三年更名寰宇記後周天和元年改

巴渠爲萬歲縣取縣北有萬歲谷爲名隋志萬世後周置及置

萬世郡開皇初郡廢樂氏謂後周爲萬歲誤

渠州

領流江賓城宕渠咸安潞水墊江六縣 賓字記潞作鄰下同

其年改賓城爲治安賓字記賓作賓疑誤治作始是 又分置

賓城義興豐樂三縣賓字記同新志分置作別置 以宕渠盛

安二縣賓字記盛作咸 又分潞水墊江置潞山鹽泉四縣置

潞州賓字記置字在分字下是潞山作潞江誤 八年省義興

豐洛賓城三縣賓字記洛作樂是三作二無賓城誤

流江 又併賓城義興 聞沈本賓作賓是

潞水 武德三年 賓字記三作二

潞山 潞山在縣西四十里重疊潞北爲名 按此有脫誤賓字

記鄰山在縣南西當作西南四十里此山重疊鄰比相次爲名

渝州

渝州 新志州下有下字 隋之巴郡武德元年置渝州通鑑二

二 貶真行爲睦州刺史注引舊志渝州漢末之巴東郡隋置渝州寰宇記周閔帝元年改巴州爲楚州隋開皇元年改楚州爲渝州三年罷郡所領縣置州大業三年罷州復爲巴郡唐武德九年置渝州 領江津涪陵二縣寰宇記江津上有巴字二作三是 改萬春爲壽縣寰宇記壽上有萬字各本脫

山南東道

鄧州

鄧州 新志州下有上字 管鄧沔郢苑溝新宏等七州 錢氏大昕云浙當作浙苑當作宛溝未詳王氏鳴盛云校本溝作清按寰宇記浙作浙苑作宛下同

穰 取漢郡縣爲名 寰宇記以漢之鄧縣爲名此志郡字乃鄧

字之誤

新野 晉於縣置義州 錢氏大昕云晉無義州必轉寫之譌

按寰宇記晉太康元年置義陽郡義下疑脫陽字州當爲郡之

誤

向城 後魏於古向城置縣乃改立 按元和志後魏孝文帝於

北向城置向城縣屬滎陽郡貞觀九年改屬鄧州此志似有脫

誤

內鄉 漢浙縣地 按浙當作浙此春秋之析邑浙卽析也下同

武德元年通鑑百八十六朱粲寇浙川注引舊志作二年

菊潭 漢沮陽縣地 元和志作本漢酈縣武陶成之地寰宇記

作本漢中鄉縣地 開元二十四年割新城復置改爲菊潭寰

宇記開元二十四年割內鄉之北界以置因菊潭水以名縣

唐州

領北陽慈[邑]平氏顯岡四縣 錢氏大昕云北陽當作比陽下同

按寰宇記作比陽沈本作比 三年省顯岡縣寰宇記作二

年 及廢魯州之古城三縣來屬寰宇記古作方 開元五年

以方城來屬僊州寰宇記開元年中以方城屬仙縣

疑作州

方城 前漢堵陽縣屬南陽郡後漢改爲順陽 錢氏大昕云按

順陽前漢爲博山侯國與堵陽非一地水經注始誤以順陽爲

堵陽而唐人因之

泌陽 開元十六年割湖陽復置上馬縣 元和志寰宇記俱云

開元十三年復置

均州

隋浙陽郡之武當縣 寰宇記浙作浙下同 以澧州之鄖鄉堵

陽安福三縣來屬寰宇記灋作豐 按鄖鄉注置南豐州領鄖鄉安福堵陽三縣則當作豐

武當 漢縣南陽郡 元和志縣下有屬字是 舊治延冬城寰宇記延冬作延岑是元和志同

房州

又置受陽浙川房陵 浙當作浙下同寰宇記川作州誤 治於廢州城寰宇記州上有遷字

房陵 後魏爲新城郡又改爲光遷國 寰宇記至周武帝改新城郡爲光遷國元和志云後魏以爲光遷與此志同

隋州

隋州 新志州下有下字 元和志寰宇記隋作隨 改爲漢東都沈本都作郡是 至東都一千八百里通鑑二百 羅告隋州

刺史注引舊志無百字是

棗陽 屬南郡 錢氏大昕云南下脫陽字

唐城 開元二十六年分棗陽置 元和志開元二十四年採訪使宋鼎奏置寰宇記開元二十五年以客戶編成十二鄉置唐城縣新志亦作二十六年

郢州

郢州 新志州下有上字 武德四年置郢州於長壽縣置京山藍水二縣屬焉錢氏大昕云按京山下云武德四年置温州領京山富水二縣豈有一京山而隸兩州之理其必有誤審矣今以荊州篇前後參校知武德初温州治京山郢州所領之京山當爲章山之誤且武德四年初置章山縣本隸基州七年廢基州乃以章山屬郢州此云武德四年置郢州卽置章山來屬亦

非也 按此有脫誤元和志云隋末廢温州縣並入安陸郡武德四年於京山縣重置温州貞觀十七年廢温州於長壽改置郢州寰宇記隋煬帝置安陸竟陵二郡唐武德四年并二郡立温州於長壽縣置郢州京山藍水二縣屬焉舊志脫去隋及武德貞觀沿革致有斯誤基州之章山後省入長林若京山則終唐世未廢 又廢郢州寰宇記又作及 以長壽屬郢州京山屬荊州錢氏云郢當作郡京當作章王氏鳴盛云校本郢作郡新志亦作郡 按寰宇記作以長壽屬温州章山屬荊州章字亦當作京章山武德八年已省入長林矣錢說誤

京山 貞觀八年廢郢州 按八當作元

長壽 以長壽屬荊州 據寰宇記總序荆當作温此志總序屬

郡州

一復州

復州 新志州下有上字 貞觀七年移治沔陽寰宇記無貞觀
二字則七年前承武德新志與此志同寰宇記疑誤

沔陽 漢竟陵縣地 元和志本漢雲杜縣地寰宇記本漢沔陽
縣地

襄州

督襄鄧唐均浙重七州 按所列僅六州下樂鄉注云武德四年
置都州疑重下脫都字浙亦當作浙 八年廢鄧州以率道樂
鄉二縣來屬 按鄧州未嘗廢此鄧字亦當作都下樂鄉注云
廢都州以樂鄉率道屬襄州

襄陽 晉入爲荊州治所 按入字當作人

鄧城 故樊城也宋故安養縣 聞本故作古是通鑑百八大亮

攻樊城拔之注引舊志古樊城也宋改安養縣元和志西魏於此立安養縣寰宇記廢棘陽襄縣二縣立安養縣

義清 漢中盧縣地 元和志盧作廬

南漳 後魏改爲重陽縣 寰宇記改爲作又置 省重陽入平陽新志作省平陽入重陽 又省重陽土門歸義三縣併房州之永清新志作省土門歸義入房州之永清 按下文貞觀八年始省重陽入荆山此重陽二字衍三當作二併下當有入字以荆山屬裝州裝當作襄 改屬蓮州新志蓮作遷是

宜城 漢郢縣 錢氏大昕云郢當作郢 按元和志云本漢郢縣地寰宇記云在漢爲郢縣地 分華山新野置陽立牽道縣按置陽二字疑有譌誤寰宇記作分新郡之地縣地因置牽道縣亦誤隋志襄陽郡牽道縣云梁置此志陽疑梁字之譌 周

省宜城郡縣按此句亦有脫誤寰宇記後周保定四年省宜城郡入牽道縣 武德四年牽道屬鄧州按鄧亦都之誤寰宇記云武德四年以此邑屬鄧州 天寶七載三縣改爲宜城縣元和志寰宇記俱云天寶元年改爲宜城縣

樂鄉 漢郡縣 元和志都作若 晉於合城郡置樂鄉縣寰宇記晉隆安五年於今城戍置樂鄉屬武甯郡

荊州

蕭銑所據 寰宇記蕭上有爲字 以京山來屬錢氏大昕云京當作章 按寰宇記作章下同然章山已於武德八年省入長林此志京字不誤 八年廢東松州入硤州又省京山入長林寰宇記同 按下長林注省章山入長林在武德八年新志同此文下七字當在上以當陽縣來屬下京當作章 都督硤澧

朗岳四州寘字記硤上有荆字四作五 督硤岳復郢四州寘
字記硤上有荆字四作五 領澧朗硤夔忠歸萬等八州寘字
記同 按所列僅七州 自此八州置使寘字記置上有別字
長林 以其有櫟林長故也 按長字下有脫文寘字記引荊州
記云當陽縣東有櫟林長坂此志長下脫坂字 武德四年於
縣東北二十里置基州寘字記作武德年年上脫於縣東界一

百二里置基州

石首 移治陽支山下 按寘字記云陽岐山一名東嶽山

公安 吳孱縣地 按孱下疑有陵字 時號左公寘字記作時

人號備爲公

硤州

硤州 寘字記硤作峽 武德二年平蕭銑沈氏炳震云二當作

四 自下牢鎮移治陸抗故壘錢氏大昕云新志作步闢壘

按寰宇記與舊志同 在京師東南一千八百十八里閭沈本

十八作八十 按通鑑二百三十八 峽州司倉注引舊志作一千八

百八十八里二百二十四 貶峽州別駕注引作一千四百八十里誤

宜都 漢夷道縣屬南郡陳改爲宜都 沈氏炳震云舊書夷道

爲宜都舊名本一縣也而新書宜都則屬荊州夷道則屬硤州

江州本領二縣州廢後乃省夷道入宜都非宜都舊名夷道也

按寰宇記宜都縣本漢夷道縣屬南郡陳文帝天嘉元年於

漢夷道縣城置宜都縣與舊志約同

歸州

歸州 新志州下有下字 武德三年寰宇記作二年

興山 移治大清鎮 寰宇記秭歸縣下云太清鎮在縣東南八

十五里大當作太

夔州

武德元年改爲信州 寰宇記作七年 領人復巫山雲安南浦
梁山太昌武寧七縣寰宇記人作魚太作大 按當作人復說
見後 仍置總管寰宇記同沈本管下有府字 管夔硤施業
浦洺渝谷南智務黔克思巫平十九州聞本洺作洛克作充寰
宇記硤作峽洺作涪克亦作克 按所列僅十六州或九字當
作六然寰宇記亦作十九州俟考 督歸夔忠萬涪渝南七州
寰宇記涪作浩

奉節 今縣北三里赤甲城是也 寰宇記作三十里 隋爲巴
東郡仍改爲人復縣 按隋志巴東郡人復注舊置巴東郡縣
曰魚復西魏改曰人復

雲安 有監官 新志監作鹽

大昌 分巫秭歸縣置建昌縣 寰宇記作建平

萬州

萬州 新志州下有下字 割信州之南浦置南浦州寰宇記作

割信州之南浦梁山武寧三縣於此置南浦州

梁山 後魏萬州郡 按寰宇記後魏改安鄉郡爲萬川郡州當

作川

忠州

忠州 新志州下有下字 其年又隸湘州寰宇記湘作浦 在

京師南二千二百二十二里通鑑十七百解官南賓安置注引舊

志二百作一百二十三 貶劉晏爲忠州別駕二百三 貶贄爲忠

州別駕注引舊志俱作一百

舊唐書校勘記卷二十一